



Gojgaeq Iwgnyez Heiqgiuz Gyauzci

乔治的气球

Goengmou、buzmou haici daiq Beigiz caeuq Gyauzci ma ranz, youq gwnz loh gyoengqde yawjraen aenbouq binghghilinz duzdouq siujcej gai haenx. Buzmou couh gangj, raeuz dingz roengzdaeuq bae cawx binghghilinz ba. Beigiz caeuq goengmou、buzmou cungj senj ndei gij binghghilinz gyoengqde gyaez gwn haenx lo, lwnzdaengz Gyauzci.

Gyauzci naeuz: “Gungj——nungz (lungz)!auau!”

Duzdouq siujcej couh naeuz: “Gou yawj Gyauzci siengj aeu aen heiqgiuz gunglungz bw.”

“Ndei ba.” Goengmou naeuz, “Geijlai ngaenz?”

Duzdouq siujcej dap: “Betcib maenz.”

Goengmou roxnyinh bengz lai lo. Mboujgvaq, de lij dwg cawx hawj Gyauzci lo.

Duzdouq siujcej youh naeuz: “Gaem ndei bw.”

Gyauzci baez soengfwngz, aen heiqgiuz couh mbin doxhwnj lo.

Goengmou couh vaiqdangq gaem dawz diuz mae lamh heiqgiuz haenx. De naeuz: “Gyauzci, aen heiqgiuz neix baenzlai bengz, gou bang mwngz gaem bae ranz ba.”

Youq rog ranz goengbuz, Gyauzci boenz aen heiqgiuz de.

“Gyauzci,” Beigiz naeuz, “neix dwg aen heiqgiuz rox mbin, danghnaeuz mwngz caiq cuengq fwngz, de couh mbin hwnj ronghndwen bae!” “Ronghndwen!” Gyauzci daej lo. De baez soeng fwngz, heiqgiuz mbin bae lo. Caeklaiq goengmou youh gibseiz gaem dawz lo.

Beigiz caeuq Gyauzci haeuj ndaw ranz daeuq, yienghneix heiqgiuz haemq ancienz.

“Bohli, mwngz ndei.” Beigiz gangj, “Gyauzci miz aen heiqgiuz moq he!” “Gva!” Duz roegyengj Bohli heuh naeuz, “Heiqgiuz!” Bohli caeuq Gyauzci ityiengh gyaez aen heiqgiuz neix.

O, mbouj! Heiqgiuz mbin bae lo. De mbin hwnj gwnz laeuz, ndonj haeuj gwnz bam bae.

Beigiz naeuz: “Mbouj lau, youq ndaw ranz mbouj miz saeh.”

Gyoengqde benz hwnj aenlae bae gyaep heiqgiuz.

Buzmou miengj benz miengj gangj: “Mbouj lau, gwnz bam cijmiz giz ndeu ok ndaej bae couhdwg

conghcueng. Caemhcai q conghcueng cungj dwg haepgven ne……” Hoeng baezneix aencueng mbouj haep, heiqgiuz mbin ok rog bae lo.

Beigiz doiq Gyauzci naeuz, heiqgiuz mwngz mbin hwnj ronghndwen bae lo. Gyauzci dingq le daejnga’ nga. Couh youq seizneix, bohmo dauj cieq gyoengqde ma ranz. De hix raen daengz heiqgiuz mbin bae lo, hoeng de hix mbouj miz gijmaz banhfap. Buzmou heuh naeuz, itdingh miz gijmaz banhfap aeu ndaej heiqgiuz dauqma! Duz roegyengj Bohli hemq dwk, heiqgiuz, heiqgiuz! Bohli mbin hwnj gyangmbwn, aeu bak gamz diuz mae lamh heiqgiuz haenx. De couh yienghneix aeu ndaej heiqgiuz dauqma lo. Gyauzci angqhemq: Ndei lai lo, ndei lai lo. Buzmou haenh Bohli coengmingz lai.

Beigiz lwnh Gyauzci mbouj ndaej caiq hawj heiqgiuz mbin bae lo. Bohmo siengj daengz aen banfap ndei he, de dawz aen heiqgiuz lamh hwnj hozfwngz Gyauzci, yienghneix couh mbouj lau heiqgiuz mbin bae lo.

Gyauzci gig simvuen, de gyaez heiqgiuz de, caezgya cungj gyaez heiqgiuz de.

(Ouh Caijfangh hoiz)

Gij Fapswd Bonjsaw

书的魔力

Cuengq sujgyaj le, daxboh daxmeh soengq gou bae ranz cejbiuj. Aiq dwg ngamq daeuq mbouj sug ba, daengz ranz cejbiuj ngoenz daih’ it, gou guh gijmaz saeh cungj mbouj gangj saek coenz vah, gyoengqde hix mbouj guenj gou. Couh yienghneix, gou moengjmoengj doengjdoengj ngaiz daengz gyanghaemh.

Gou swiqndang hwnj mbonq ninz sei, raen cejbiuj ndaw fwngz gaem bonj saw he, gangj daeuq hix geizheih, bonj saw neix lumj gijgwn ndei gwn nei, hawj gou nyaenx mbouj ndaej caenx hwnjbae. Neix dwg bonjsaw heuh 《Fwjhau Gwnz Bam》, dwg bonj saw cozgyah Bingh Sinh ndaej ciengj haenx. Gou siengj dwg mbouj dwg ciq daeuq yawj geij yieb, mbouj ndei yawj caiq boiz dauqbae.

Cungj ndawsim roxnyinh geizheih neix, sawj gou gangj ok coenzvah daih’ it youq ranz cejbiuj haenx: “Dahcej, bonj saw neix ndei yawj lwi?” Cejbiuj gig doeksaet, aiq dwg aenvih gou daujdaej hak bak gangj vah luba. “Ndei yawj ha, mwngz siengj yawj gou couh ciq hawj mwngz yawj, gou bae yawj densi.” “W.” Sing gou gig iq, cix gig angq.

Gou sikhaek dawz hwnj saw, gig mizyinx doeg roengzbae. Mwh gou cingq yawj ndaej yinxdaeuz, sawqmw h dingz dien h lo. Baenzlawz guh? Cejbiuj sikhaek daj ndaw doengjgvih dawz ok labcuk daeuq diemj. Doiq gou daeuq gangj neix caen dwg doek nae soengq danq ha!

Mbwn yied daeuq yied laep, seiqhenz dinghyubyub, mbouj rox mbouj nyinh daengz gyanghaemh cib diemj cung lo. Cejbiuj doiq gou naeuz: “Ninz ndaej lo!” “Gou mbouj raninz, lij singsag ne!” Gou doep aek gig miz cingsaenz dwk naeuz. “Ndei ba, mwngz laebdaeb yawj ba, gou mbouj lanz mwngz.” Cejbiuj gangj le gag

ninz lo.

Mwhhaenx, yubyab yubyab, gou sikhaek daj ndaw denz diuq okdaeuj: “Haha, dien h daeuq lo!” Cejbiuj deng gou hwk lo, ngawzngwd yawj dwk gou.

Gaenq daengz gyanghwnz, daihgya cung ninzndaek lo, gou lij laebdaeb yawj saw. Mbouj rox seizlawz, mbwn rongh lo, gou hix doeg sat bonj saw neix lo. Gou raurumz mbat he, hozrim dwk haep bonjsaw hwnj, haeujninz sisi lo.

Gij saw lajbiengz lumj daihhaij nei hunggvangq fouz bien, gyoengqvunz yungh ciuhvunz de daeuq doeg hix doeg mbouj sat. gou geizheih haenx dwg, bonj saw ndei ndeu, gingqyienz lumj miz fapswd nei, sawj vunz lumz gwn lumz ninz lumz seizgan. Gijneix couh dwg gij yinxdaeuz doegsaw ba!

(roek nienzgaep Vangz Sinhyiz)



Danghnaeuz Mehmbwn Caiq Hawj Gou Baez Gihvei He

假如上天再给我一次机会

Lauxsae senj gou caeuq Lij Yungj doengzhag biujyienj siengswng. Ciuq lauxsae iugouz, gou caeuq Lij Yungj roengzrengz sinhoj baizlien, lauxsae gig muenxeiq. Mboujgvaq, lauxsae lwnh dou, youq mwh cingqsik biujyienj, aensing itdingh gangj hung.

Mwh biujyienj daengz lo, aenvih gou caeuq Lij Yungj dwg baez daih’ it youq baihnaj daengx hagdangz baenz lai vunz biujyienj, cungj miz di gaenjcieng. Gou sup gaemz heiq hung ndeu, caeuq Lij Yungj byaij daengz gyang daizheiq, couh hainduj biujyienj lo. Ndaw siengswng miz haujlai gig ndeiri, hoeng laj daiz singriu cix mbouj lai. Mbouj wnggai dwg yienghneix ha? Gou yawj coh baihlaj, raen haujlai vunz cungj mbouj nyinhcaen dingq, gou gamjdaengz gig saetmuengh.

Biujyienj sat le, lauxsae byaij gvaqdaeuq doiq dou naeuz: “Sou gangj ndaej gig raeuz, biujcingz hix gig ndei, hojsik hoizwngq mbouj ndei. Sou rox dwg gijmaz yien-aen lwi?” Song boux dou ngauzngauz gyaeuj. “Aensing daiq iq lo! Sing daiq iq, yaugoj couh mbouj okdaeuj.” Lauxsae coenz ndeu senz daengz ndok naeuz dwk.

Gvaiq mbouj ndaej dou biujyienj baenzneix nyinhcaen, bouxyawj cix mbouj miz maz fanjwngq, laxlawz gyoengqde cungj dingq mbouj nyi ha. Danghnaeuz mehmbwn caiq hawj gou baez gihvei he, gou itdingh fat ok aensing ceiq hung gou daeuq.

(seiq nienzgaep Lij Sunghyui)